

紀文達公遺集

紀文達公遺集卷第六

孫樹馨編校

御覽詩

西域入朝

大閱禮成恭紀三首

一掃欃槍大漠空
陽關萬里使車通
全收月窟歸封內
原有星弧在掌中
天馬徠時行就日
靈夔吼處響生風
懷柔控制相兼用
應識

君王睿畧雄

花門作隊遠潛蹤
積石流沙路萬重
絕域何年迷漢壘

王師當日問崇墉幾回碧蕨驅妖鳥一旦

軒轅名應龍數曲金笳歌出塞西戎早已避旗鋒

蒲昌海上會旌幢大將高牙迴作雙太乙凌空光熠耀
旄頭墮地響琤鏜重開兩道歸都護便築三城號受降
指點玉門關外路徑須傳檄定諸邦

捷書飛報紮昆彌奏凱纔經五月期苜蓿青時盤戰馬
榴花紅處照降旗橫戈坐名烏鵲護和地全通黑夏斯
縱有螳螂偏奮臂只消赤羽笑談馮

決破虹霓玉劍揮焚巢狡兔已無歸便衝夜雪尋蹤去
直逐驚蓬捲地飛白草四圍天濤沓黃雲一抹路依稀

樊桐稅駕尋常事徑上崦嵫看落暉

鐵馬橫行氣有餘長空擊格走雷車
燒當舊種摧全盡回紇堅城掃欲墟
幾處遙飛傳箭使一時爭送納降書
旃裘毳幕知多少都向周官付象胥

七戎迢遞海西隅蔥嶺鹽池種落殊
布露纔通唐職貢大宛不入漢輿圖
金城幾代勞屯戍玉塞何人訪道途
渺渺條支煙水地甘英舊迹幾榛蕪

百年聲教動雕題早有黃支欲貢犀
兩戒無因通地絡九霄何處上雲梯
長河有路終歸海弱水回波不向西
便擬追隨星漢使扶桑樹下聽天雞

宛駒飛鞚指天街爭向

金門拜

玉階跋浪鯨魚曾共鬪隨陽鴻鴈竟相偕白題舊部人
重譯赤坂長途天一涯總爲

聖朝威德布大邦知畏小邦懷

趁趨羽騎走如雷三部降蕃次第來伴使經時攜勃律
仙莊早日覲蓬萊秋深驛路人初到雲捧

旌門影正開便遣平臯陪大獮且看七萃躍龍媒

平分突騎擁句陳漢將從來箭有神八隊連翩調白羽
四圍合沓漲紅塵天狼畏射爭藏影雕虎驚弦轉避人

朱鬢一呼風乍起威稜早讐遠蕃臣

曲宴芳園酒乍醺將軍飛遞羽書聞窮荒更遣蟠桃使
降表連收貝葉文兩國名王馳贊普同時別部走奚斤
殷勤攜得昭華琯計日中朝覲

聖君

傳車接踵送羌渾列宿朝

天北斗尊玉帛已知歸夏禹干戈曾使畏黃軒從來韜
畧嚴三陣更遣旌麾飭八門咫尺風雷隨號令待鳴榔
鼓震諸蕃

日行三百入長安

別苑層城畫裏看宿衛舊聞唐顏利衣冠今賜漢呼韓
多時逋寇擒狼種幾隊高蹄付馬官好續周書王會解
千秋勝地記田盤

東郊

南苑路回環蕃使行隨十二閑九奏聲中瞻

御幄萬年觴側侍

天顏燭龍珠躍雲霄外火樹花開指顧間真是滄溟觀
日出六鼇頂上駕三山

仙槎幾度醉瓊筵不負乘槎到日邊

聖澤已均三接禮

神威還示九征權森嚴龍虎隨方布超忽風雲逐令旋
克詰戎兵周制在乘時合用仲冬天

朔風獵獵乍盤雕健將持麾下紫霄天上星辰張玉弩
軍中鼓吹應金鐃珠旂搖曳旗初展銅埒回旋馬更調
十萬貔貅齊入伍分明氣象認

天朝

環抱中權兩翼交森森後勁接前茅連營畫鼓聲相答
八陣雕旗隊不淆爍爍星文浮劍氣彎彎月影上弓弰
六軍控馬齊翹首尺五城南望翠旂

五色明霞護綵旄

系三美公詩集卷二
至尊韎韐演龍韜由來六職分司馬况值諸戎貢旅獒
黃道平馳雕玉勒烏孫遙識

鬱金袍爭看

聖德兼文武九合天弓手自操

九節騶虞次第歌雲堦張處望嵯峨忽驚雷電排空走
不覺蛟龍瞥眼過一發雙連聲動地三呼

萬歲響回波已知弧矢威天下更遣分曹肄鵝鵝

朱鳥黃龍各樹牙連蜷勢引率然蛇弓刀森竦寒生雪
組練光明曉作霞鐵馬成羣山不動金戈極望海無涯
只聽畫角穿雲響便有長風散五花

駟驕齊掣紫遊韁倏忽軍聲起戰場大海鯨鼉爭吐擲
高秋鵬鶚盡飛揚直須飲馬臨濛汜徑欲揮戈挽太陽
鳥翼蛇盤誰遽識只驚天半陣雲黃

礮車飛起響砰訇金鐵都從掌上鳴煙霧平靈雲象陣
雷霆忽鬪火牛兵鞭來列缺誰能敵摧去崑崙亦欲傾
便覺風連西極動翎侯莫倚輿韃城

正看天官驅六丁一麾立遣戰聲停俄然兩拒旋如電
依舊千廬列似星白日無塵懸大野高雲不動拱羣靈
羌人枉自爭蝸角可識元戎玉帳經

百尺瓊臺峙瞭鷹諸軍遙擁最高層桓桓餘勇猶堪賈

躍躍雄心總欲騰
木落霜清方颯爽
草枯沙軟好憑陵
便教更獵長楊苑
試向寒雲射大鵬

羽衛交馳金口騶
陪遊仍遣召渠搜
重看犀手三千弩
爭拜

龍旗十二旂見說
須臾禽母寡果然
容易戮蚩尤願將
聖主天威重傳到
西荒海盡頭

天錫神符啓六壬
兵機舊識

睿謨深當時遙聽
鳴夔鼓此地曾經
練羽林二十年來
重肄武萬千里外
總傾心饒吹盡是
風霆響莫比尋常
凱樂音

廟算深微萬化含揆文奮武用相參直教懸度如庭戶
試掃高車只笑談納贄遙通魚海外觀兵齊會

鳳城南應知

聖策超千古不數華林三月三

軍容畧使異方瞻赫赫

天聲幾倍添虎帳韜鈴今遠震狼星芒角定全曆新歌
爭貢龜茲樂寶鼎長調大夏鹽從此

神功屆無外何難西海致鸛鵲

河源平盡路巉岵白馬參狼總就銜遣使便能呼默啜
和番真覺陋渾城乘輅誰向皮山阻勒石今將雪嶺剗

中外一家歸

舜敷

小臣

恭聽奏韶咸

紀文達公遺集卷第六

紀文達公遺集卷第七

孫樹馨編校

御覽詩

平定回部凱歌十二章

謹序

臣聞五材並用爰制干戈九伐斯張是聲鐘鼓狼弧下
指

王師握大順之機虎旅長驅

天討據無前之勢芒橫太乙凌絕域而皆通響激豐隆
摧凶鋒而立破蓋參旗井鉞六軍氣象原尊故月竈星
源一統規模自遠欽惟

皇帝陛下天樞高舉地絡宏包統馭三靈昭宣七德前
以削平乎僭竊遠出陽關因而戢定其封疆全收陰磧
六丁雷電下臨烏弋之城八陣風雲直抵黃支之國兜
題立縛組繫降王唐祚新歸歌通譯使雖有蝟鋒螳斧
敢繼起以憑陵一經夔鼓龍旗並相隨而掃蕩

錫南車以指路妖霧全消隨

北斗以旋樞將星齊動應龍一下蚩尤之仗都摧妖鳥
羣呼庭氏之弓莫避荒山寂歷長囚貳負之尸大漠蕭
條誰作刑天之舞玉笛平羌之曲聲徧甘州金笳入塞
之吟春回苦峪營開萬里新標定遠之名壘築三城盡

是受降之地大宛貢馬無煩昧蔡之重封勃律輸香願
受歸仁之舊號惟逆回波羅泥都霍集占等白題分部
羣居蔥嶺之隈赤坂爲鄰潛聚花門之種弟兄相倚僑
如左右乎榮如墟落遙通突利聲援乎頡利貪殘爲性
虺毒潛吹狡黠成風豺牙必厲初遇莎車之勁敵迫徙
俞林遂以蒲類之辱王幽居阿惡蕭蕭松柏渠酋則繫
若鼎俘僕僕山川部曲則役如臣妾鯨吞靡盡執牛之
畜牧全空蠶食無涯騎馬之金錢並竭幸

天兵之薄伐得寬無弋之囚因故國之重歸竟脫貲姑
之役招攜舊部五翎侯復得相從營葺荒城二昆莫依

然並建慕容順之封西海已拜唐官尉屠耆之入杆泥
實隨漢使巢林春燕久矣無家銜索枯魚倏焉得水縱
使白環以效貢未足酬

恩乃當丹浦之陳師反思助逆陰山風吼龜茲之四鎮
相驚瀚海塵飛疏勒之孤軍遂困星軺奉使持虎節以
無歸雪嶺屯兵阻龍堆而暫梗鯨魚跋浪竟興風雨之
妖梟鳥成羣敢犯雷霆之怒九嬰相煽甘自外於

堯階三藥當鉏難倖寬於

湯鉞

皇上用是靖茲邊徼召司馬以蒐兵揚我軍鋒射封狼

而示戒橫天玉弩直捎太白之芒出塞金饒大練中黃
之士牙旗畫樹

詔出甘泉桐鼓宵鳴路通鹽澤千牛分衛

禁營宣控鶴之軍萬馬揚鑣

內苑出飛龍之廐索倫鼓勇青羌之勁旅橫戈蒙古從
公白霄之名王執挺茫茫枯草氣薄天山颯颯長風勢
回地軸衝車交舞陣前之明月齊鸞突騎爭呼城上之
殘虹欲斷乃以軍中失律有殊細柳之行兵因之徼外
偷生猶緩樓蘭之對簿賴我

皇上明刑飭罰易帥臨戎俾軍紀之一明乃士心之彌

奮牙璋迅速再揭辰旂玉帳森嚴重屯戊校

詔以

臣

兆惠爲將軍以

臣

富德爲之副窮搜二豎務懸

母寡之頭先定諸城預斷匈奴之臂七百梯雪山之路
直搗蕃營十三部鐵勒之兵俱隨唐將角聲吹月中天
躍弧矢之星劍氣衝雲列宿動旗鏐之象桓桓驍騎竚
看日逐成禽屹屹重關早已夙沙自潰連營饒吹驚屋
瓦以皆飛一路戈鋌入城門而不閉麗譙踏雪不煩鵝
鳴之聲睥睨垂花未試鷗鵝之刃人無後至冀得免於
焚巢兵有先聲遂不殊於破竹星芒一片親摩大食之
刀月色三更看采于闐之玉是皆

威弧在握西人之膽先寒所以武帳臨邊南仲之師屢
克於是乘軍聲之大振奮策前驅及戰氣之方新揚麾
疾進層冰冱路細辨狐蹤峭壁摩天直探虎穴掃欃槍
於鴈磧志不空還指彗孛於龍沙義無返顧我

皇上乃明操金鏡照六合而無遺高握璇樞計萬全而
不爽赤囊未遞先知鄭吉之圍白羽遄飛早解耿恭之
困爪牙是寄奮我前茅臂指相維繼以後勁驅來宛馬
久肥苜蓿之苗統出燕犀爭淬芙蓉之鏑三花駿鬣直
教逐日而行五色高牙倏已自天而下果遇臣兆惠等
乘虛深入衝萬里之黃雲據險相持限一灣之黑水日

弓月矢方轉鬪以無休鐵額銅頭竟屢摧而不退螯弧
一奮進尚舉旗刁斗相聞退仍築若雲梯爭舞合圍者
不啻千羣星劍頻揮拒敵者倏經三月我援兵乃恭承
神策間道行師迅赴戎機擒生問路幾重亭障直過飲
馬之泉不盡關山飛躡射鵬之騎初以馳驅乎遠道魯
縞未穿旣而迅發夫奇兵鄭旗遂獲銜枚卷甲邊月微
明飛矢揚兵陣雲忽起寒飈凜冽我軍乃倍覺驍騰夜
色昏黃賊黨遂自相擊觸蔞坡注澗誰當犀手三千流
血僵尸已得蛇矛丈八寥寥大野星狼之焰全燼子子
殘兵風鶴之聲尚恐遂得二軍之合隊立破重圍繼乃

兩路以興兵直摩堅壘師行六月正符吉甫之詩時屆
三年宜奏鬼方之捷爲鵝爲鸛壁壘一新如火如荼旌
旗倍壯赤茸搖鞚振玉隴而皆驚朱鬣揮戈蹋鐵山而
欲碎鷹鷂爲幟大軍之猛氣先揚草木皆兵餘孽之殘
魂倍慄燕方巢幕原撫己以知危猿更投林冀依人以
自活河魁列帳軍中之銅虎初行山鬼潛蹤階下之金
駝早棄震驚兵勢有如蟄戶聞雷揣度師期竟似穴居
知雨荒城寥落空留綠玉河邊殘衆扶將齊拜碧油幢
下高塘不守已因壘而皆降壯士橫驅乃長歌而竟入
收其版籍隸在司徒定其租庸統於都護封疆如故奧

韃與竄匿相連候尉增新譯長與君冬並設銅山別鑄
全銷安息之錢石廩不移仍貯康居之穀突厥之東西
兩部盡入黃圖單于之南北二庭俱歸赤縣遂乃吳鉤
却月遠逐烏孫漢箭捎雲窮追白狄驚蓬卷地驅將校
以爭先荒草粘天訊俘囚而得路根敦城畔吐谷渾雖
已全逃唐翼谷中先零羌猶然未度魚真在釜安得揚
鬐狐欲渡河無如曳尾追及之於霍斯庫魯克紅陽奮
躍蹋山石而皆穿紫電交揮激天風而倏起黃塵匝地
格鬪者一可當千白草迷蹤披靡者十纔贖五呼聲合
沓狼頭之纛將摧兵氣飛揚燕尾之旗並舉旄頭欲落

方戰苦而雲深畫角猶鳴乃途長而日暮馬嘶空磧幾
縷霞紅鴈入遙天一時月黑以夜行而不辨尚宵遁而
未禽於是再礪戈矛重張旗鼓路通汭水定窮回紇之
蹤地盡崦嵫務斬郅支之首再追及於阿爾楚爾相其
地勢正阪陵谿谷之形考以兵書是刀楯矛鋌之所整
齊八纛偏伍相承部署五兵方圓互用上軍下軍之外
挈以中權右角左角之間導以前拒八門已啓儼成風
后之圖一鼓先登竟躡月支之壘排空直上披榛莽以
皆開絕跡飛行凌崎嶇而莫阻錚鏦白刃金鐵皆鳴匝
匝紅塵風沙亂舞半天霹靂橫飛列缺之芒萬仞巉巖

中裂巨靈之掌層巒疊嶂染山骨以皆紅豐草深林藝
雲根而並赭長虹墮地何處揚旗短戟含沙一時卸弩
顛連失步不矜九象之雄瑟縮求生僅作六騾之遁爾
乃青鳶揭旆平驅逐北雄師白鵠揚鞭更簡征西勁卒
急躡之於伊西洱庫爾左臨大澤蒼茫積水之區右界
崇山詰曲穿雲之路青嵐皆萃有甚蠶叢白道縈迴難
成鶴列逆回等雉方帶箭已經五采離披虎尚負嵎自
恃千盤鬱嶽收其餘燼重鳩漏網之徒陟彼高岡先據
建瓴之勢丹梯無路難相接以短兵紫焰衝雲用遙攻
以利器千丈鼓赤龍之鬣石角平摧七星召朱鳥之神

金丸亂灑火珠激射乍驚吐火之民雷鼓砰訇忽震無
雷之國風煙瀕洞直疑海水皆翻草樹焦蜷遂使山精
盡駭衝鋒越險摧輪雖似於羊腸稽首呼降棄甲竟齊
於熊耳力窮五技鼯鼠方逃戰闕三交攝聽竟棄奔如
夸父惟隨日影而行走若蜚廉冀免海隅之戮於時拔
達克山汗素爾坦沙仰懷

聖德負弩趨風夙懼

皇威執殳效命陳庭飛隼本貫矢而相投魏國驚鴻遂
聞絃而自落駒支受令用成犄角之形長狄稱兵終得
春喉之禍尺書所至奮勇擒王重譯而來輸誠獻馘裂

肩有據已申絕轡之誅殘骨仍存尚辨專車之狀蕃庭
飲器降牋送未漆之頭漢代藁街驛使遞待懸之首妖
氛既淨光耀三精絕徼齊歸地窮八柱河山曼衍萬年
入白阜之圖宮徵鏗鏘十曲奏黃神之樂仰見我

皇上文昭雲漢四表同光武奮雷殛萬靈受職戢兵禁
暴式彰有截之勲和衆安民永固無窮之業昔者冉駹
大定杜鵑申北向之心今茲回鶻全平天馬進西徠之
頌是皆

睿謨獨斷力排築室之謀

神武遐宣克奏犁庭之績朔達瓦齊就俘之日纔閱五

年計庫車城申討之時僅餘兩載三征三克易若摧枯
再叛再平驗如操券渠魁授首默德那之種落咸歸荒
裔傾心遠魯檀之版圖並隸疏通兩道寧止萬三千里
之遙考定諸躔已出二十八星之外臣開闢不臣之地
德邁義軒建古今未建之勲

業超舜禹從此瓜沙左右爭事春農蒲海東西無勞秋
戍正六符以育物珠斗經天越九譯而來賓金甌紀地
三十六國羣瞻有道之

天萬八千年共祝無疆之

壽定知寰中之歌舞雷動歡聲寧惟閭外之麾幢雪融

喜氣

臣

金鼇侍直叨列清班玉虎徵祥躬逢

盛世

天威遠播欣聞吉語之來

聖烈昭垂宜有頌聲之作竊惟弦弧剡矢所以保大而
定功鳴篳吹竽所以建威而揚德周官愷樂職在太師
漢氏饒歌掌於協律聲詞合寫十八章舊調無傳篇目
相沿廿二曲新聲數變晉人仿古始號凱歌唐代承流
漸諧律體緬維貞觀初成五字之詩亦越嘉州遂創七
言之製考其節奏雖開元以後之音稽厥淵源實常武
諸篇之義故當世或施絃管而後來亦播詠歌謹仿其

體爲班師凱歌十二章恭呈

御覽樂以象功知莫罄

高深之量詩以言志庶竊申忭舞之忱其詞曰

喧喧簫鼓凱歌音半捲紅旗入鳳林曾是

軒轅親教戰霜天曉角尚龍吟

妖星墮地響如雷風捲陰雲萬里開邊月高高天似水
捷書一夜過輪臺

秋鴈連天西海頭六軍回馬唱涼州擒王破陣須與事
誰賦金閨上翠樓

故壘茫茫大夏城蘆笳吹作入邊聲回頭博望浮槎地

曾是西來第一程

饒歌一路響寒雲獵獵風生萬馬羣
行到來時曾戰地降蕃猶認上將軍

滿耳秋風入短簫黃榆葉落草蕭蕭
西蕃已破無征戰只向高原試射雕

赤土山前雪打圍桃花叱撥繡弓衣
風雲也稟天朝令滿磧平沙靜不飛

雕鶚飛揚大將旗提兵兩度上崦嵫
回軍却過龜茲壘一笑當年李靖碑

勒石燕然莫更論且看走馬定堅昆
垂楊綠到其摩寺

寧止春光度玉門

多少降羌逐馬蹄

芙蓉闕下貢文犀
蕭關候吏如相問
家在條支更向西
驚翎長箭虎紋鞞
歌舞還朝拜

玉階今日方知

神武畧書生何用議珠厓

射盡鯨鯢海不波
洗兵真看挽銀河
笛中一曲平西雅
誰數摩訶兜勒歌

三巡江浙恭紀二百韻

皇帝壬午歲斗柄初回寅

六龍幸吳越三度修

時巡昔禹畫九野茲地徐揚分三江中貫絡淮海區其
垠揚州實沃野徐土瘠以貧政繁待修舉人瘵勞撫循
所以自古來吏治稱最殷况乃地形下萬派東南臻秋
潮排龕赭洶湧雷霆喧大河亦漸徙蕩潏不可馴遂令
沮洳場日與蛟螭鄰曼衍數千里捍禦煩經綸我
朝百餘載

列聖司陶鈞屢籌疏濬計已荷

生成恩

皇帝撫六幕宵旰憂黎元區畫萬年策南顧猶頻頻前

在重光歲遠涉吳江濱

斗杓斟元氣散作春風溫疆圉赤奮若

日御行紫雲迢迢牽牛野又得瞻

義輪前後閱十載歌詠遙相聞沿江待

翠華北向顙

九閭

帝曰咨汝衆鑒汝惻愍真繁惟汝望幸民事于實勤所
恐煩父老除道而清塵狩期酌五載虞典義可遵爰
詔飭

法駕太史練孟春開歲日丙午始浹十二辰

親奉

紫罽輦羽衛嚴句陳是時風解凍淑氣方溫暎柔荑黃
欲圻宿麥青欲勻東作日以興隊隊驅烏犍幽冀青兗
徐迢遞長河濬微和天澹沲漸見鶯花繁揚舲瓜步水
南櫂錢塘津煙光二三月彌覺春姿妍山水交映媚桃
柳相新鮮南中佳麗地處處宜盤桓吳歛舞白苧越曲
謳采蓮錫簫雜社鼓夾路迎

至尊豈知

聖主意但以娛

慈顏川途遠洄溯所重惟勤民其一曰河防疏派從

崑神魚駕高浪汨汨泥沙渾禹力導爲九故道春蕪涇
微茫滄棣野陳迹空討論洪流日南注徑齧清淮濱金
鈴無支祁坐受冰夷吞自從炎漢來水患時紛紜洩則
下流隘壅則橫波奔治河無上策衆說徒云云因令
唐虞世或有巢窟人惟以萬萬衆仰賴

天心仁

帝曰咨徐方歲歲憂沈淪水性良難測地勢要可因禹
貢紀敷土其要惟隨刊崇伯汨五行乃以息壤堙鼓瑟
戒膠柱止沸當抽薪蓄洩量所受是貴啓閉均奏牘但
梗概未若閱歷親

鑾輿臨指授疏導

詔重臣漏爛岳瀆經貞石高嶙峋決滌魚龍氣蕩滌清
粼粼一勞萬世逸從此安耕耘其一曰海塘頌洞浮乾
坤練光激一綫奮迅爭海門靈胥躍白馬茲事雖虛言
要其澎湃勢未減銀河翻江流更東瀉駭沫相控搏浪
花飛百丈島嶼如簸掀長颺或一作往往爲民患歷朝
捍海堰六郡相鉤連後爲渾所梗潮勢趨北偏於今稱
險阨乃在尖塔山歸神從日母誰得澄其源譬如禦勅
敵先在高塘垣外以沙爲郭內以石爲根沙漲有去留
所賴人力存

皇帝軫下國

清蹕紆虹旃河圖操玉版

規畫求萬全簣管束長筵增護金隄堅六鼃憫

皇威弭首跼以卷安用婆留弩酣戰蛟鼉青銅磨海

面水落添沙痕佇看鯨人室化我桑麻田

臣

閔古帝堯

命禹滌九川荒度付司空高拱居雲軒今頌平成績猶

曰仁如天我

皇軫民瘼不憚川陸艱三度駐

華蓋紫澥黃河間恒以

一人勞謀此萬姓安大矣

天地心化育符陶甄

神謨勒金匱三古超放勲况乃

雙龍御兼有五瑞班南邦計羣吏考績當三年由來飭
官箴黜陟昭大權例得隨家宰引對近

御筵爰以肆覲儀謁

帝帳殿前敷奏而明試此義虞書傳

翠華入其疆閭井

親循觀風謠既畢采賞罰何須延東南財賦藪戶籍紛
駢闐五方之所聚雜處良與頑剛柔劑寬猛所賴牧守
賢今逢

金輿狩一一詳考詢吏肅民以乂歌頌永不諼且念江海界趙趙通諸蕃牙旗列巨鎮首尾如率然驍騰萬曠弩戟軻千樓船卉服奉職貢斥埃銷鋒煙武備防漸弛步伐宜素爛森嚴開玉帳

親閱驚鸛軍春蒐隸司馬舊典從周官粵從乙亥後虎旅平堅昆黃圖拓二萬兩道通陽關卽今隨

綵仗猶有降呼韓中途拜

行幄貢馬又大宛靈變之所震莫不尊

軒轅功成不忘戰復此陳彙鍵凡以衛億兆謀保金甌完億兆拜稽首蓑笠如雲屯載歌時邁頌交上天保篇

仰見

懷保念念我殷痾瘵黔黎苟有賴

巡省無辭煩即使日供頓實亦心所歡靈臺與靈沼荷
鍤齊爭先尚愧芹曝獻未足酬

聖君詎知

遊豫意但欲民風淳尺一

紫泥函

天語頻諄諄昇平久殷阜非慮物力殫士女效媚茲知
亦非所慳惟念華侈俗導以樸素敦棟宇斥金碧懷柄
除雕鏤穆然

恭儉化

堯殿惟采椽是以初啓

駕以及

鸞鑣還騎不勞芻茭士不煩壺簞岵毳

黃龍舳舨纒人爭牽迢迢蒲蓼岸翳翳水竹村鐃吹萬
乘度不礙沙鷗眠黃蜂及紫蝶亦趁風日暄花放百草
香繞徑飛翩翹卽此太和景民氣固已欣更聞十行
詔重疊

巽命申春風隨

玉輅甘雨霏油雲去歲河偶漲蛟蜃揚波瀾腰鑣未及

穫秋稼或稍殘屢豐儲峙足本不虞播遷飛鴻雁
聖抱猶爲謀粥饘春氣日以動荷耒耕東阡更春官倉
稻一月添饔飧坐待穰麥熟醺酒烹雞豚三壤有正賦
歲儉時蒙蠲其或偶逋負良以催科寬停

鑾召耆艾

問俗經里廛尚恐寒溪水照見催租瘢以次

賜減除

鳳詔銜瓊牋江南連河北日拜

天書宣旁逮斥鹵曲漉白牢盆煎聲聲估客樂亦撥鴟
雞絃春回鼃鼃渚消盡海氣寒

德音俄又下翹立金雞竿膏雨滋黍苗亦不遺茅菅罪
自五流下瑕垢皆許湔花落訟庭靜草長園扉閒蒼鷹
化爲鳩拂羽何翩翩好音偕布穀嚶嚶桑林邊別有橫
經士夙昔事典墳一朝覲

堯日波暖躍紫鱗竹登會稽箭珠采長淮嶺乃至泮宮
水是處香添芹風行於地上交叶利用賓偉哉

大觀化稽古崇斯文應知過東魯數仞登杏壇實惟

聖契聖前後同本原茲行凡四月來往途八千去程聞
早雁歸路鳴新蟬豈不愛清暇

垂拱調南薰永懷無逸訓

錫福敷羣倫用是閭巷衆以逮於縉紳喜氣徹絳霄融
冶交氤氲結爲雲五色紉縵垂輪囷有叟捧

賜帛稽首前迎

鑾曾覩

仁皇帝六度

臨江千萬年

家法在

聖祖貽

神孫煌煌

巡狩典曷奕輝瑤編憶昨日南至

璇殿獻

壽樽三元六甲子七始開其端

南山地絡鞏北斗天漿醇箕疇斂五福

敷錫霑芸芸陽和迎綈幕

恩綍降

紫宸

詔書行萬里

愷澤彌垓埏迄今甫半載又沐

雨露新蒼生一何幸

茂典逢聯駢康衢泳

聖化歌舞盈人寰延洪祝

曼壽萬度璣衡旋

皇風流穆穆

介祉承縣縣洵哉

龐鴻治高邁黃與顓

小臣

荷

天渥珥筆登花甄玉燭仰

道光寸管窺大圓願譜肆夏詩永永諧宮懸

御試土爾扈特全部歸順詩

醞化超三古

元功被八紘

聖朝能格遠絕域盡輸誠往者星弧指俄然月崦平

威棱震濛汜兵氣掃欃槍赤坂驍騰度黃雲指顧清峯
開同樂雪蹟陋受降城別部留餘種當年早遠行慕容
隨馬徙蠻氏怯蝸爭杳隔羅義地空傳贊普名冰霜途
久阻葵藿意常傾貢篚先遙至

宸章憶載賡

乾隆丙子土爾扈特使臣入貢臣
適扈從熱河叨預恭和

聖製初來瞻

禁籞早已仰

天聲邇日烏孫部全歸定遠營隨陽都似雁出谷盡如
鶯喜近層霄路無辭八月程自歌唐柝曲不假貳師征
東道艱難達西琛拜跪擎露章飛入告星使遠相迎綏

輯勞都護金銀發水衡流離憐瑣尾奔走憫孤孥

湯網原常祝

堯天許再生寒巖俱變暖枯卉忽含萌踴躍瞻風意殷
勤獻曝情黃龍何用約白馬不須盟怡值

慈雲普方恢

壽宇宏感

恩齊挾纊效祝願稱觥紫塞沿冰谷丹梯覲

玉京

省方隨

日馭大猷侍

覽旌益地圖新啓鈞天樂正鳴轂烝雕俎列酒醴羽觴
盈帶礪崇封錫衣冠異數榮試看歌舞樂真覺畏懷并
從此

皇風暢彌彰

帝道亨梯航徧陬溼寶賚集寰瀛清宴三靈叶升恒兩
曜貞銘功懋嶺石萬古峙崢嶸

聖駕東巡恭謁

祖陵歌辭十篇

謹序

聞德莫大於孝孝莫大於報本追遠孝至於報本追
遠則推而下之仁愛有所自溥潮而上之率由有所自

承三代聖王所謂至德要道者均不外是然經籍所載
皆禘祀烝嘗致嚴宗廟其躬詣山陵者惟武王祭畢一
事後亦不聞其續舉豈古文朴畧記錄不詳抑書缺有
間歟漢始有上陵之曲歷代相沿爲故事大抵近者在
郊畿遠者因事告謁而已未有涉越關山往還三四千
里先事戒期如我

皇上之特致精禋者亦未有深慕積誠閱久彌摯不憚
一至再至三至四至如我

皇上之疊舉殷薦者蓋我
皇上明天察地

聖孝純真性情之蘊結者深故精神之感通者遠非惟
音容所接愜懌如親并本本元元上溯

發祥之所自非惟升香

清廟昭格

鑒臨卽

橋山弓劍之藏皆

永慕不忘恒思瞻仰且我

皇上法天行健無逸永年

壽考維祺升恒久照逾

七表而彌康故能涉閭川原

親抒誠悃

翠華四蒞而不以爲勞信乎愛敬之忱爲自古帝王所不及而精明強固之力足以自申夫愛敬尤自古帝王所不能矣

臣

猥以雕蟲謬蒙

知遇出入館閣洊佐夏官今恭逢希有之

盛舉固宜敷陳典禮作爲文章以昭示無極然竊念

輦路所經越紫濛之野袤遼海之垠凡崇墉因壘之墟
盟津會師之蹟以迨城邑邱井爲

居幽營洛所締造閭閻士女爲服

教畏

神所遺留者自癸亥以迄今歲胥

宸章題詠分勒

瓊函久已並曜儀璘無待取光於螢照至於

寶篆瑤槭之尊藏

柏城山殿之裸獻百神河岳之懷柔

玉座彤庭之朝覲繪峯黼幄之燕饗則

詔令宣於綸閣儀章具於春卿

起居紀於太史炳炳麟麟照映金匱更無待管闕尺度

繪畫

乾坤之容惟是篤近舉遠

恩有自推行慶施惠歡心普洽若白鹿山左右諸部若
留都宗室八旗父老子弟洎士農工賈若黑水白山從
龍舊族若東藩之貢使莫不沾濡

膏澤額手而觀

天禮之成頌

湛恩之渥前歌後舞風謠響答此誠太和醞釀發爲自
然之元音是以鼓腹成吟擊轅中律特其千唱萬和天
籟自鳴不能著爲詞章書之簡牘恐採風者無從而錄
不揣弁陋謹摹繪其意諧以聲韻爲歌十篇雖樸僂少
文然語皆誌實尚冀與康衢擊壤諸謠同鳴

帝嫺巨唐之盛焉其詞曰

振振麟角出自岐陽縣縣瓜瓞本支延長我承

餘蔭託身

天潢有事爲榮來奉烝嘗雖遠於京邑實我舊鄉歲時
禋祀助薦馨香

靈旂陟降宛接一堂凡屬孫子孰不願依

祖宗之旁況

聖主之惇敘榮我冠裳九族旣睦邁昔陶唐今逢

展拜迓穆穆之

天光

眷懷一本

訓迪周詳瓊牋寶墨宣

奎章提挈萬化以孝爲綱

寶城四詣不憚道路之風霜凡我宗人執事有恪敢不
憂

右宗室所歌

萬年之木木必有根萬里之川川必有源翼翼神皋實
肇迹之岐邠我里我宅近日先溫

帝謁

珠丘緬懷舊勲大饗從饗福漑後昆曰昔乃祖附鳳之

翼攀龍鱗縣縣延延逮於子孫其練乃弧矢無忘教戰之

軒轅至於耆艾亦

重熙累洽之所存

龍光渥錫膏露油雲衆拜稽首曰

皇帝之恩

皇帝曰於繄

祖宗之仁

國之元氣在本原鞏固我始基日熾日蕃

右八旗所歌

平岡旣遷我爲烏桓互市三邊我泰寧朵顏

大聖人出日中天靈夢震吼艾我旃我十四貝勒駢首
徽纒九白從此修貢虔太平安樂百五十六年

皇帝上

陵逕我白狼山我所置頓不過數椽我所上食不足登
御筵羽林十萬惟飲我泉不擾我特與我犍乃

念我族帳昔

太宗皇帝所矜全久隸僕圉

賞賚大頒婦子膜拜皆大喜歡

皇帝大德光於

前萬八千歲福祿綵綵

右蒙古諸部所歌

孝治天下不遺小國之臣今我來庭信古所云我密邇
上國夜柝相聞覺華島之歸命維

太宗之仁世守我蕃封職貢維勤我以一介迂

皇帝東巡許陳我筐篚我惻得申燕賚便蕃邁我等倫
果叶我吉占曰利用賓況

錫我以

聖藻煥乎

堯文光我東土晃耀乎扶桑之暎金繩寶牘傳示子孫

卷之六
三

曰

天子錫類下國亦浴以

鴻恩知神州赤縣無不含和而飲醇

右朝鮮貢使所歌

梧桐萃萃生高岡周京吉士歌鳳凰辟雛初建流湯湯
振興鐘鼓從文王

太祖應運出震方

臨軒策士登賢良

太宗繼起提天綱經文緯武化益光近

聖居者惟我鄉百年服

教今不忘邇來星驗聚奎祥

詔移瓊笈柱下藏青袍彌慶儒道昌况逢

法駕來瀋陽泮水添注

恩波長鬢宮廣種芹藻香咸以作人

壽考祝我

皇萬年幹運符乾剛他時

翠華來幸更福我膠庠

右學校所歌

幽風七月王業所基烝我農夫皆

開國之所遺我高曾祖考驅犢荷犁託

聖人之宇聚族而畚菑於時阪泉涿鹿戈甲雲馳其折
衝者惟八旗我耕田鑿井恬然不知熙熙皞皞至於今
茲惟

皇帝奉

先思孝臨我東維除道清塵官吏所司餼糧芻秣損
我貲獻芹獻曝愧無所持

帝念我農人乃

雨露以滋百年培養

列聖之慈愛無不愛維

帝其體之皤皤黃髮對語杖藜此樂非但從此時癸亥

以來閱四十載前後

四幸皆如斯

右農家所歌

三代以還藝事日增遼水以左我

國家所

龍興土風淳朴自我高曾奇技淫巧皆我所不能鳩材
庀器惟日用之恒

皇帝大孝祇謁

山陵肅肅鉤陳

黼殿幔亭雖庶民子來弗勞以經營茅茨土階或構數

楹操斤荷畚受值倍贏卽綢繆苞桑葺我金城萬杵操
作築之登登僱役亦足以代耕至哉

儉德

家法欽承對越

在天

世德相仍宜乎

帝車時邁南涉越角北上遼京西踐參墟東觀我大瀛
閭井不擾惟聞載路之頌聲

右百工所歌

雲帆轉海泛舶青齊牽車服賈達高句驪松漠柳城西

北通逵駕鹿使犬亦水筏山梯

神都形勝川陸會歸百貨輻輳隸首所莫稽

鑾輅東來萬乘雲隨利市三倍頓使我家肥
征權弗增坐擁我貲維

皇帝吉蠲孝饗

神降以蕃釐斂福敷錫蔭及烝黎使我販鬻亦囊篋纍
纍我

東都之望

幸安能不跂足而企之

右商賈所歌

長白挺龍三江瀛浴萬年王氣蟠其中朱果誕

聖天所鍾

丕基旣建不忘

后稷之舊封置三將軍分扼其衝謁

陵前度

御六龍紆途逕此觀民風今從營府來遼東踰西望

雲嵐重幸我

聖主釀化幘幪山川修阻

雨露同有邵不異鎬與豐

皇帝大孝緬

列祖

列宗念

開創之所從使我一草一木皆豐茸我歌且謠樂融融
願與公劉諸什永永諧笙鏞

右東三省所歌

聖人之法嚴戢姦頑稂莠不翦恐蕪彼良田

聖人之心則無不矜憐因事肆胥曲予以生全惟古者
泰壇有事賞濫費繁薦馨

上帝或曠隔有年故其赦令多以南郊親祀而宣惟

皇帝昭事

穹昊日之南至必詣

圜丘以告虔歲歲不可以屢赦故因謁

陵之典而金雞揭竿蓋禮以義起侔事

祖於事

天我瑕已滌我慮已湔我其易轍改絃以潔白自完以
無辜

聖主之陶甄

右赭衣所歌

紀文達公遺集卷第七

紀文達公遺集卷第八

孫樹馨編校

御覽詩

乙巳正月預千叟宴恭紀八首

和氣寰瀛徧

天功品物亨春風多長育小草亦滋榮
科第叨先達班聯愧老成何期承

聖澤更許附耆英

早歲登金馬

臣以乾隆十九年進士蒙館選由編修洊擢至侍讀學士

恩

中年出

玉關餘生蒙

曲貸詞苑

許重還嘉宴陪傳

鴻恩憶

賜環都緣

天再造今得預仙班

乾隆三十三年臣自貽罪戾蒙

十六年蒙

恩復授編修
頻邀超擢洊至今職

十載登

天祿編摩歲屢淹涓埃曾未報

雨露久深霑

臣自承辦四庫全書疊被
恩皆逾常格爲自來詞臣所罕觀

軒樂容同聽

堯雲得近瞻當筵看坐次感悚兩相兼

化寓人多壽耆年近四千相隨登綺席所見半華顛
旭
日輝

宮闕柔颺韻管絃自欣纔六十已獲伴羣仙

園綺陪雕俎松喬奉玉鍾斯人今並集此會古難逢
蛺
螟乘乎化風雲繫所從

乾元剛健體仰矚見

天容

筵上瞻

皇度

天光映

紫庭自慙

臣

謗劣彌頌

帝康寧

壽定兼千佛祥原應六星

七句題細楷曾見

御詩

宣賜

御書玉屏拓本銀鈎鐵畫

聖人天璽聰明

起乎萬古非尋常耳

日所可傳佛萬一

五代同堂慶延祥屬

至尊流長知有本枝茂在蟠根古帝無倫比詞臣已討

論且詢陪宴叟有幾見元孫

聖祖徵千叟衣冠會日畿家庭時誦說聞見尚依稀臣

姚安府知府紀容舒以康熙癸巳

式曾在京師見千叟宴之典時時爲臣誦說頌揚盛事

今日霑天酒微臣侍

禁闔簪毫頌繩

武萬載並光輝

千叟宴詩一百韻代

健行絲

景祚久道洽

重熙

五世家餘慶三多福有基清寧遊

化寓仁壽驗春祺海甸多遐耆朝端半宿耆仰惟
皇建極普與世延禧尚齒敷

嘉惠臚歡舉盛儀引年遵舊式繩

武繼隆規神契風雲合

天膏草木滋冠裳聯鶴髮歌舞拜

龍墀平格慚君爽重華遇

帝媽遂登千叟列共祝

萬年釐念昔承先廕蒙

恩際

聖時丹臺注名籍粉署預追隨樞部經三擢天官計再

司豸衣身早被鳩律手親持旋

命除犀綬仍叨直鳳池金曹留舊署薇閣副參知軍佐
殊多忝卿班愧莫裨從征方戍校帶職尚工倅仰仗
天弧指平劉雪嶺隳

睿謨遵

北闕絕幕定西陲勃律看撈玉崑崙問織皮遙臨東印
度徑縛大昆彌蒲海重平亂筠冲再濟師尋蹤追狡兔
駢翼戮妖鴟赤羽驚回紇黃圖括谷蠡兩經臨月窟皆
得從雲麾宣力曾無幾承

恩竟不訾八門分將帥七萃統龍鵬

禁旅方叨入

溫綸更屢施月卿邀重寄水部晉崇資

國政容參畫戎機荷

倚毗

聖謨陳玉案

皇路控金羈保氏資調護容臺辨等差

殊知皆特達旅進愧委蛇况乃遷喬木居然借一枝朝
簪升甲族宿衛列辰旗慈嶺鶡音噪花門螳臂支六軍
事征討一劍效驅馳圍合魚麗密城畱獸角危自知謀
太拙幸藉

算無遺屯戍宜禾領封疆都護治勤劬圖報稱感激褒
瑕疵應

召瞻

雲日操鈴總虎貌駕言辭赤坂重得侍

黃帷玉壘傳烽燧蠶叢阻險巖揚旌摩井絡分道指坤
維桐鼓行軍久金饒奏凱遲才疎賴

指授識淺昧機宜倉卒憂深譴

矜全戴

聖慈戟轅建旌節玉帳領熊羆

神武頻驅策姦凶乃繫縻幸將前過補敢曰首功奇最

是

恩連沛都非意所期凱旋歌杖杜

親勞駐

華芝像入凌煙畫名登太學碑舊資全引復新秩遞遷
移九命膺勲爵三台拜

制詞蘋黃輝帶綬韎鞞映冠綬彩羽雙環暈華衣四襖
披草身真耀豔顧影自驚疑更荷

陶鈞力偏榮蒲柳姿五雲暉迴照六表寵逾涯珍篚頒
駢坐

璇題仰陸離聯奎騰藻采朝斗頌

恩私從此達春草長爲向日葵綸扉忝承

旨玉署掌論思藜閣書兼領蘭臺祕得窺五刑明出入
九品敘崇卑常念榮逾分深虞力漸衰慎惟懷敬凜勤
每戒恬嬉馬齒雖加長龍鍾幸免嗤在公思奉職退食
尚忘疲但覺

恩如海寧知鬢有絲良由熙

化日得到龐眉屬有三軍事言賡四牡詩初平貝州
盜于役大河湄恰喜星輶返剛逢葭管吹相隨趨
黼座猶及奉瑤卮暖律開新序韶春上早曦萬年松蔚
茂六葉蕨葳蕤綵幄分行矗繒峯夾卬摺

彤階敷繡簾

紫殿敞雲楣陪列多彭祖

臨軒拱

慮義相看皆鵷侶有序似鴻達位自黃扉起年從絳縣
推許如明悉獵併有下句驪樂曲陳南雅殺烝具鼎鼐
佛花茶泛瓊仙露酒盈瓊錦段如霞積筇條刻玉爲捧
珍光溢袖叩

賜感淪肌此會逢之罕諸臣見者誰熙臺遊浩蕩福海
被期頤大衍貞符集先春衆志怡歡心添淑景喜氣度
柔颺申錫由

天佑規模自

祖貽

德原超古昔典復備今茲竊喜

微臣

幸親瞻

睿藻摛近光依

日月贊化謝臯夔惟有呼嵩願同聲祝萬斯

皇上肇建辟雍釋奠講學禮成恭紀八章

謹序

臣聞天苞地符道源一貫皇春帝夏政典異文虞巡五
玉制殊乎周官殷宗九州名別乎禹貢正朔服色迭更
於子姒以來封建井田難舉於嬴劉以後是則然矣然
不沿不襲去故所以取新或革或因永世在於師古損

益百代精探述作之旨經緯萬端曲盡神明之用秉持
聖矩提挈乾紐正名侔乎黃帝定禮協乎素王經世上
猷又非可以管蠡求也欽惟我

皇上璣衡在握儀璘恒照虞典慎省勅

天著乎舜歌周籙延長率

祖念乎闕俗建極錫福惟馨香之感神無逸永年信康
彊之逢吉螽斯蕃衍

五世驗其貞符鹿鳴燕樂千叟應夫壽曜靈臺偃伯武
德備而修文康衢聞謠養道浹而興教粵稽太學建自
有元相沿園水之名未具旋邱之象貞元再合儲待

重熙之朝禮樂百年慶逢

首出之

聖爰考古義趣建崇基方儀內函圓折外發火珠竦峙
石梁交達宛游靈沼之側重覲鎬京之制蓋質文異尚
者矩矱恪秉乎

高

曾今古一揆者符節遙合乎先後聰聽

彝訓舊章不愆儀監前規闕典則補貞珉矗立而螭盤
寶書深鐫而鸞翥

睿慮遠

聖謨彰矣豈但三老五更釐曲臺之駁文刊虎觀之謬
論哉冬官歲事適圖周大行之數春祀升香用儀備上
丁之薦典本歲修禮崇

親舉麟書景乎冲漠龍蹲接乎肸鬻藉以告新宮之成
昭

聖教之昌也於是

臨橋門

登講幄九官鵠立三舍鳧趨瓊几敷陳

玉音闡演發孔曾之微言抉羲文之奧理莫不竑聽肅
穆默悟愉怡斯時也

法駕方蒞瑞霽交霏五出應節當土膏之全動三農愜
願際麥穎之奮茁豈非歡心溥洽祥徵立致以豐歲之
兆慶大禮之成哉臣忝備月卿獲登

雲陛司儀侍玉俎之側聽

講蹕

黼辰之右葵藿小草向陽有願禽蟲微質應候自鳴不
勝踴躍歡忭之至謹拜手稽首獻五言詩八章用昭
聖朝文治爲古所未有其詞曰

鳴鳥聞崇岡菁莪育中沚靈囿昔肇建璧沼亦經始雲
漢歌作人卷阿賦多士西京化云盛東轍風漸靡叢議

溯卯金歧論逮天水黃圖渺前基青史曠遺軌興文待
昌期稽古資上理五緯珠躔明三雍雲構起一章

聖皇握玉券

洪算縣瑤圖

五葉席景運

六御提神樞

軒襲武義炳

舜羽文德敷

醲化周鼇極首善從鴻都四門集俊乂六藝陶師儒圖
橋緬舊記壅水懷前模萬化夙修舉一事猶

勤劬經營補所闕名實斯其符

二章

太史撰日吉將作鳩工良分寸度繩墨法象規圓方九
宮準奇偶八牖宣陰陽雲雨軼太半金碧輝中央一鑑
匝瑤甃四阿交虹梁淵渟蓄珠水井養資銀牀經營羣
力集區畫

睿慮詳粲然禮制備煥乎文治光

三章

龍畫耀雲章鰲碑鏤樂石上軼岐陽鼓下掩蘭亭迹金
鏡明法戒

玉衡絜今昔興賢振虞業泥古斥縫掖五更義兼訂三
老疑再析鄭孔誤當刊班蔡謬皆闢仰讀悟政範俯繹

知學的弦誦識勿忘貫佩期無斁

四章

儒珍樂普育

聖域溯至精鼓鐘續周雅俎豆升

孔庭二月榮緋桃七葉抽翠萸精禋春卜吉上儀
親告成肇修豐水典式慰

尼山靈河圖酬宿望木鐸宣遺聲

神喜金石和

德孚黍稷馨羹牆接千載爰奧證六經

五章

靈囂警衆集華鯨傳

躍來穆穆

天光臨肅肅

經帷開駢聯芳茵布次第華纓陪敷陳披聖籍

宣示聆

睿裁天樞運萬古人紀摭三才

體健勵無息敦倫期允諧

康彊勤典學

壽考樂育材敷言惟

皇極派化皆春臺

六章

至治感休徵太平召協氣

蒼緯叶神符黃輿證靈契側聽玉案

講慶覲瓊巽至合寸凝蕭雲盈尺兆岐穗頌奏屢豐期
雅富於樂際繁寧多稼祥實表

觀文瑞感應一氣通申錫諸福備愉愉歌詠音炳炳天
人義 七章

化成聲教遠

道久禮樂興

七旬勵宵旰百度挈準繩福惟萬億積治乃三五登樗
材逢嘉會

天語欣欽承仰睇

紫殿高俯視翠澈澄圓規擬璧合溫溜方川增矢音依

陞楯稽首瞻觚稜無由裨海嶽惟祝齊升恒

八章

嘉慶丙辰正月再預千叟宴恭紀四首

春風融暢慶時昌又集耆英宴

紫闥

福壽駢臻

皇建極

是日宴於

皇極殿

賜貞元會合

日重光黃圖久共登仁壽

丹陛多曾預拜颺翹望

紅雲齊額手

天容此度更康彊

太極甘泉次第斟鈞天九奏聽仙音三千人盡鬚眉古
六十年經

雨露深早歲衢童皆老大舊時壤叟倍歌吟應知
聖主勞宵旰多少

栽培長育心

綢繆元氣釀祥和樗櫟都能長舊柯鳳紀久占

綿算積鷗行亦自老臣多曾叨繡豸登瑤席

乙巳千叟宴臣以兵

部侍郎叨預是日

恩擢左都御史久忝花廳振玉珂

臣蒙賜紫禁城內騎

恩

馬得見南山重獻

壽微忱忭慶更如何

祥飈滿座酒初醺稽首瓊筵拜

聖君與物皆春

恩再霑

同天不息政彌

勤蓬山祕籍

臣

曾校禮閣新儀古未聞歸向容臺詳記

錄曹司載筆亦欣欣

每恭逢大典禮部皆敬錄儀注載存例案

聖駕臨幸翰林院錫宴仍以張說東壁圖書府五律字

爲韻

臣

均分得國字

綏民奏

武功協

帝宣

文德奎壁瑞重占鶯花春恰值初三月始成第一峯同

陟燕飲預卿班賡颺偕館職典儀叨備官攜藻慙幸

國惟幸八旬餘夙懷今竟得

乾隆甲子臣年二十有一

私心歆羨今越六十年竟得躬逢盛典實爲榮幸之至

侍宴

重華宮聯句賦蒙

賜三清茶瓊恭紀一詩

曲宴蓬山最上層毫

紫殿暖雲蒸金莖

露和盃

賜消渴相如得生曾

紅沁丹沙白膩脂越窰風露滿花薨凡茶不敢輕煎注
上有

君王自製詞

賜硯恭紀八首

曲宴傳柑侍壽盃柏梁聯句遞相催自憐詰屈如方朔
也捧

君王賜硯回

一片雲根暈淡清羣仙傳玩徧槐廳
宮中原自珍龍尾未信東坡鳳咮銘

祕殿濃香入綵毫蓬山曲宴此重叨

軒轅墨海

親頒賜絕勝詩成得繡袍

筆札從來似墨豬擘牋慙對

御筵書情知難押蘭亭縫且照青藜校魯魚

紫殿吟詩簇管絃三年三度聽鈞天歸途騎馬人爭看

墨苑宮袍似米顛

奎章頃刻燦天葩未盡三清一琰茶賡和愧無青鏤管

祇將

賜硯對人誇

捧來

宮硯拜

彤庭片石堪爲座右銘
歲歲容看溫室樹
惟應自戒口如瓶

香案聯吟第六回又分

宮硯到達萊細看石上天然畫
正似春流灩灩來

翰林院侍宴聯句

賜硯恭紀二首

玉署聯吟侍壽盃
舊詞臣許到達萊詩成

賜硯宜珍襲六十年纔第二回

西抹東塗似墨豬蘭亭押縫敢輕書祇應攜照青藜火

六典辛勤校魯魚時臣方領修會典

恩賜四庫全書館哈密瓜聯句恭紀一百五十四韻謹序

乾隆四十有二年十月二十九日

命以哈密瓜

頒賜四庫全書館諸臣異數也竊惟譯通榆塞舊承扞

宋之遺謹案諸書所稱哈密源流多未明晰今定西域圖志訂正為扞宋之轉音至精至確足欽

之疑祛千古地號瓜州遠自駒支之祖輿圖所記古傳嘉種

於燉煌土貢惟虔今獻珍函於哈密鵠青滿篋偕三果

以齊來蛾綠登筵貯雙盤而交映謹案回城三果及雙玉盤並有御製

詩惟茲上品是爲玉食之材何意

殊榮徧及木天之侶蜜脾初割金瓢與黃卷相輝汗簡
旁陳縹帙共翠斑一色分來瓣瓣爭揮削字之刀付去
人人遞引摘毫之手飫一杯之甘露舊渴全消挹七里
之芳芸濃香又別珍逾素葉喜溢青藜伏念_臣等叨列
冰銜謬編瑤笈三萬七千餘卷尚未諳隋志之名一百
五十四人乃盡拜

堯階之

賜平居伏讀仰窺

消暑之詩

御製消暑十詠內瓜詩有此日分嘗真
何人方病渴一辨試分嘗之句

作逢春之草

恩逾常格本非歌頌所名感倍恒情惟以文章爲報三
星映座立成難比於曹劉五字聯吟間作竊規夫韓孟
共相勸勉早宗曾輩之編摩自愧空疎知謝董道之博
洽輕塵

天鑒寶切冰兢其詞曰

寵錫來中

必少詹事臣
祕陸費輝

恩頒出左樞雕盤分上味

侍讀學士
臣陸錫熊

珍蔬逮羣儒美勝

東陵種

侍講學士
臣紀昀

名徵西域圖餐香霑藝圃

侍講學士
臣彭紹觀

聯韻檢書廚蔥嶺分諸部

洗馬臣
夢吉

瓜州借一區在明爲

哈密

王仲恩臣

於漢本伊吾前代兵常構

編修臣

茲邦

最孤寧知大都護

蕭際韶臣

惟隸右單于蝸角爭蠻觸

編修臣

臣劉

魚門鬪魯邾流離棲雪磧

臣吉土

倉卒棄金符

成明

種之化間哈密王金印

嘗為吐魯番所奪收圉頻遭掠

編修臣

樵蘇屢見俘防

攻聞擊柝

曹編修臣

合戰怯援枹

聖代三階正

臣禮科給事中

遐荒一氣孚爭來附甌脫

內閣

侍讀臣

久免役賞姑

西域諸部惟哈密以康熙三十五年內附歸誠最早

太歲當

淵獻

乾隆乙亥平定伊犁兵部員外郎臣史夢琦

王師討骨都六丁下雷電

庶子臣

七萃練熊羆突騎飛

傳檄

侍講臣

名王奮執爰繫纓擒頡利

贊善臣

燾鼓戮

張壽

溫禺妖鳥頻驚射修撰臣長鯨畢就屠高牙臨碎葉編修

臣王嘉會右臂斷匈奴柳谷風塵靖編修臣花門氣象蘇戈

鋌從此息編修臣耕鑿倍無虞沃野平開畛編修臣崇

垣對建邺哈密王城與督理糧餉大臣三城連古戍修撰臣

軒兩道控衝衢往山南者由哈密抵關展往山北者由哈密過烏爾圖打坂抵巴里坤新疆兩

道由此編修臣屬國茲為近編修臣

恩波最早滯積年成富庶編修臣比戶樂妻孥戊校開

屯戍編修臣丁男藝黍稷晏晏薪入爨晏晏堅木名以

李茂茂草供芻考之卽息鷄草之訛也綵縷誇縫纈密

所製羊裘綠以綵線溫暖堅緻高輪駐秣駒塞外車皆

為新疆所重編修臣周興岱高輪以利

涉凡出嘉峪關者至哈
密必停一日以息馬力
驚哥行如嬰同女能歌吹者謂

翁方阿渾坐睢盱傳回教經典市商民輳編修臣田

廬主客俱嚴關雖警夜每夜開城之時官城不許宿一

防閑奸究隙土任收租其正賦亦不許宿一漢人以

編修臣平恕哈密少雨惟資渠水以溉田其田皆天山沙田積雪暖融而下注者也編修臣李堯棟

莫嫌滋麥少哈密之麥不及中土往來所食之舊說薦

瓜殊掐子陳貽種瓜種以灰培之藏於室中越數歲種

矣編修臣培阮曲附塗洩淘增瑩潔編修臣指拭去霉

污却燥常穿瀆編修臣頻鋤競擁權分窠間疎密編修臣李

銘度力辦窳斂相感薰宜筵編修臣交融漬用掄播琴

膏溢塊編修臣吹瑄氣回苧旁薤磨耒耜編修臣徐澆

轉輓轡場開依鹿墮檢討臣樊繞傍雞簞疏莢資同化

檢討臣王汝嘉蟪謁醜必誅灑灰兼辟蠹編修臣布棘為防廳

芳意盈臯隔編修臣生機暢甲鬚滋秧牽翠帶編修臣

分鄴界黃壚不遣香侵麝編修臣徐看蔓引蛛葉抽俄

馬耳編修臣賦長漸驪珠糾結紋青綠庶吉士臣團園

質益壺鳳梭仙縷繫庶吉士臣羯鼓御捲剡喻以馬非

馬庶吉士臣辨諸觚不觚中土甜瓜多有梭相鉤連子

母贊善臣別種認魚鳥巨訝安期棗檢討臣楊倖惠子

瓠雙冠看合縫形稍尖而長者俗名同編修臣馬啓泰 斷一目

笑深瞋

形稍圓者俗名回回眼

斑駁狸頭

編修臣項家達

彭亨豕腹腴

曲肱宜作枕

王象晉羣芳譜謂甘肅瓜大如枕

檢討臣王鍾健

曳尾證藏狐

顏師

古注漢書以爲瓜州大瓜狐入其中食之首尾不出今證以哈密所產實無此事蓋前代妄相傳說

凝金液

編修臣楊壽楠

周圓觀玉膚白輕羅疊雪

編修臣周厚輟

黃裹

卵含雛

豐熟咸相報

編修臣裴謙

挈收亦競趨

中田方

編修臣方煒

令節乍囊萸風冷吹邊柳

編修臣莫瞻菴

霜高落塞榆

羌童冠白氍

編修臣閻惇大

蕃女整紅襦約共褰衣褶

檢討臣蕭九成

嫌休納履絢微行遵複隄

檢討臣王坦修

侯旅踏平蕪嗒嗒誇

摩挲

編修臣汪鏞

縣縣慎舉跌跪擎童子拱

修撰臣金榜

俛拾丈

人倚望處黃團綴

庶吉士臣倉聖脈

攤時綠扇鋪儲藏歸廨廩

庶吉士錢樾擔負雜謳飲準直論園買庶吉士臣邱庭隆嘗新計顆

沽逶迤驅五特庶吉士臣胡敏輾轉駕雙輶捆載來墟落庶吉士臣

戴心亭駢闐溢市閣籃掀傾滿鵠庶吉士臣翟槐街鈴數餘蚨虎

掌農家詡庶吉士臣張慎和騾網估客須分曹堆礪硎庶吉士臣嚴福

轉販越崎嶇別有乾爲腊庶吉士臣徐如樹因之緝似纁綵條

盤細結回民曝瓜爲乾破三條辦之盤屈如餅餠市以寄遠綾餒就圓

模木食糧堪代回民不能勤而能儉每以瓜果代糧金穰口易

餬預爲終歲計庶吉士臣陳崇本早得禦冬需念此安居樂庶吉士

士臣陳皆因

愷澤敷獻芹聊擬宋庶吉士臣許振包柑欲同吳別圃分畦漣

庶吉士臣 李廷敬 諸蕃揀種輸滋秧勤部長庶吉士臣 摘蠶課

園夫護惜防風露庶吉士臣 珍藏比瑾瑜點收三百顆

庶吉士臣 戴均元 遠歷九千途土貢修惟謹庶吉士臣 山程候

不逾馱將紅叱撥庶吉士臣 藉用錦韞瑜玉塞風煙迴庶吉士臣

庶吉士臣 盧遂 金城道路紆久經通驛堠庶吉士臣 不待驗關繙譯

表陳

楓陞庶吉士臣 登廚佐蕙蒲升香先

譽廟庶吉士臣 用饗備殷瑚在昔

山陵薦庶吉士臣 范來宗

深懷歲月徂

宸章感霜露

乾隆癸亥甲戌兩年
三陵值哈密貢瓜至俱

聖駕東謁

命親王齋

往恭薦有

庶吉士臣
御製詩紀

史氏記盤盂嘉實原珍賁

吉庶

士臣

五泰 鯀生敢覲覲何期

恩浩蕩

庶吉士臣
何思鈞

徧使衆歡愉

特用傳柑例

庶吉士臣
張能照

旁霑珥筆徒今冬星測昴

中書
臣王

賓家共候月臨驛鈴馱遐方至

中書臣
葉蘭

筠籠貢使扶上方

纔進御

中書臣
王鍾泰

中禁忽傳呼但以文章報

中書臣
田尹衡

無庸資格拘分甘同

饜飫

中書臣
稿承志

均惠不偏枯承乏司抽簡

中書臣
方大川

臚歡類

賜酺遙看喉早渴

中書臣
牛稔文

競捧視先瞿還趾交評泊

中書

庭筠臣排頭任選掄後先爭爾我中書臣大小論肥臞拜

賜齊擎筐中書臣書名戒濫竿搯衣多踊躍中書臣試

削肯踟躕拂拭登高俎中書臣端詳破大輒滑防九脫

手中書臣剝比米開稗四剖爻交坼中書臣三離難屈

胸爭多量尺寸中書臣惜少較錙銖圓割邊齊線中書臣李

荃斜尖角逗孤嫩黃疑潑蠟中書臣微赭訝搓酥到口

津先滴中書臣經寒味不渝九霄餐沆瀣中書臣一琰

飲醍醐美覺中邊徹中書臣佳難手口摹清泉浮始稱

雷純中書臣甜雪擬非誣搗出興臺翽中書臣歸來婦孺娛

流還憐玉液中書臣碎亦惜金麤蒟莫誇南粵中書臣郭晉

梅休闢北盧芳鮮生使獨中書臣色味世皆無悅口渠

如許中書臣名州有以夫計條已食矣中書臣徵事果

能乎

冊府開奎壁中書臣詞源溯洙文津詔建文淵以

儲四庫仙州登玉署特仿古制置領閣事提舉直

全書閣事校理檢閱諸職中書臣黃

元學海得金桴妍醜歸

明鏡中書臣陶鎔入

化鑑丹青表忠孝中書臣斧鉞斥姦諛蔡鞏諸書皆經

均等則皆明示誅絕以正人心彰輝大公昭垂萬世大

賤質輕葑菲助教臣成材遜構櫨體身容保直助教臣

胡子襄

馬足愧顛愚編校研先哲助教臣羅萬選文章怯大巫輕塵添

俗華助教臣金學詩微溜益江湖七畧讐非易助教臣卜惟吉三餘學

本迂鈍思拙乙乙助教臣張藝年舊訓謹姝姝圖籍惟窺牖正學

臣周鉉詩書但守株橘題慚逸少學正臣蔡必昌荔譜謝君謨姑

咏輕疑茂學錄臣陳木甘英誤寫菟技真羞綆短學錄臣沈培

恩每貸材驚諸臣校理之疎嘗蒙似蠹仍容食待詔臣胡士震

如蠅免見驅佳辰分翰墨進士臣楊懋珩公膳飫肴膳陪宴同

方朔總纂臣陸錫熊臣紀昀總校臣陸費墀每歲遷官

過聖俞館臣多逾格遷轉臣陸錫熊臣紀昀手原非霹靂

進士臣樣只畫葫蘆不料殊恩超擢

胡榮

頌珍珠

進士臣石養源

居然逮賤軀忽承

天咫尺

進士臣錢致純

錯訝夢須臾

宣賜時纔午

進士臣徐秉文

哦詩日漸晡咀含香尙在

進士臣丁履謙

摹寫句偏麗欲就仍塗乙

進士臣靖本誼

方吟忽囁嚅撚髭心

宵宵

進士臣費振勳

文手步躍躍語巧輸鸚鵡

主事臣門應兆

篇成笑

珷玞沾

恩同湛露

中官正臣郭長發

效頌但皇葵感激惟銘刻

候補部員臣曹

寶歡欣共唱隅誓將釐亥豕

原任雲南布政使臣王太岳

永不憶尊

鱸刊誤文宜核

原任中允王燕緒

程功數莫連補戈防曳白

原任

編修臣

掃葉慎研朱禮洽呼苹鹿

原任編修祥慶

情均在藻

鳧相期翊

文治

原任太常寺主簿臣郭祚熾

斐萃咏岡梧

少詹事臣陸費墀

紀文達公遺集卷第八